

Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisaat (Akitsuusiisarnernup naatsorsorneqartarnerata allanngortinneqarnera)

§ 1.

Raajanut akitsuutit pillugit inatsisartut inatsisaat nr. 20, 25. oktober 1990-imeersumi, ilaatigullu inatsisartut inatsisaat nr. 19, 11. december 2003-meersukkut kingullermillu Inatsisartut inatsisaat nr. 14, 2. november 2006-meersukkut allanngortinneqartumi, ukuninnga allanngortitsisoqarpoq:

1. § 4, *imm.* 2, oqaaseqatigiit siulliit "tunisinermi aki kiilumut 13,00 kr.-niusq" imaalillugu allanngortinneqarpoq: "tunisinermi aki kiilumut 11,70 kr.-niusq".

2. § 4, *imm.* 2 imatut oqaasertalerneqassaaq:

"*Imm.* 2. Raajat akitsuusigassat, umiarsuit Kalaallit Nunaanni nalunaarsorneqarsimasut atorlugit pisarineqartut, ukiup sisamararterutaani kingullerni sisamani tunineqarneranni agguaqatigiissillugu kiilumut akiat tunngavigalugu aallaavissaq naatsorsorneqassaaq, tassa tunisinermi aki agguaqatigiissillugu kiilumut 11,70 kr.-niusq aallaavissatut 100,00-imut angissusilerlugu. Tunisinermi akip 11,70 kr.-iniit ørimik ataatsimik annerulerneri tamaasa aallaavissaq aaqqiivigineqartassaaq."

3. § 4, *imm.* 3 imatut oqaasertalerneqassaaq:

"*Imm.* 3. Aallaavissaq 100,0855-nngorpat akitsuut 0,01 pct.-imut angissusilerneqassaaq aallaavissap 0,0855 procentpointimik qaffanneri tamaasa 0,01 procentimik qaffattassalluni. Aallaavissaq 100,00-iuppat annikinnerullunilunniit akitsuummik akiliisoqassanngilaq."

4. § 4, *imm.* 4 imatut oqaasertalerneqassaaq:

"*Imm.* 4. Aallaavissaq 484,6154-iuppat, agguaqatigiissillugu tunisinermi aki 56,70 koruuninik annertussuseqarluni annertunerulluniluunniit akitsuutit 45 procentinut aalaakkaatinneqalissapput."

5. Inatsisip danskisuuani "Landsstyret" imaalillugu allanngortinneqassaaq "Naalakkersuisut".

§ 2.

Inatsisartut inatsisaat atuutilerpoq ulloq 1. januar 2010-mi.

Kuupik Kleist

/

Palle Christiansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut